

M065: Linzer Entechrist

0,1 Vuir han zehant daz zit .
 0,2 von dem paulus sus kit .
 0,3 “ir orin kerint sie von d’ vvarhait .
 0,4 nivziv rede ist in leit .
 0,5 spellir vnt nivve m’e .
 0,6 sin si ioh vngevvare .
 0,7 horint si allirgernist .
 0,8 keini- frumin ernist .
 0,9 megin sie ze gote han .
 0,10 die des nivt vvellint abe gan .”
 0,1 Och hant gnuge den mut .
 0,2 daz sie duhte vil gvt .
 0,3 suer i- sagte od’ sunge .
 0,4 von kunftigin dingin .
 0,5 daz hetin sie ze grozin minniN .
 0,6 von div vvil ich beginni- .
 0,7 von den entecriste sagin .
 0,8 die not vvil ich nivt v’dagin .
 0,9 div i- sim cite .
 0,10 chumit vbir die werlt algeliche .
 0,1 Iacob hete zivvef sune .
 0,2 ze gote vvarin gvt sine mune .
 0,3 an sim totbette .
 0,4 mit islichem er redde .
 0,5 mit vvnischis gevvalte .
 0,6 segniti sie der alte .
 0,7 er chu-t in z vare .
 0,8 vvas i- chumftic vvere .
 0,9 vn- nach i- ir geslechte .
 0,10 des het er allis achte .
 0,11 daz vvas ain gotis vvunder .
 0,12 islichim vvunskit er bisund’ .
 0,1 Ir ainir hiez ivdas .
 0,2 ich vveiz er chunt im daz .
 0,3 er solde gevvinin des levvin craft .
 0,4 in des geslechte vvarit div magit berhaft .
 0,5 die crist z enir mutir wolte han .
 0,6 do hiez abir ain andir dan .
 0,7 dem gab er disin fluch da .

0,8 “fiat dan coluber in via .”
 0,9 daz chit . dan d’ muze ligen .
 0,10 sam de slange an dem vvege .
 0,11 da mite dete er vns chunt .
 0,12 daz der leidigi hvnt .
 0,13 i- sim chunne .
 0,14 muter givvunne .
 0,1 Des vv\&l mis nature .
 0,2 hat der vngehure .
 0,3 er bizit die vngevvarn .
 0,4 die den vvec vvellint varn .
 0,5 sam tuit der entecrist .
 0,6 wan er vvid’ got ist .
 0,7 die mit criste vvellint bestan .
 0,8 vnt den rehtin vvec gan .
 0,9 den tuit er vil michil not .
 0,10 vnt ze ivngist den tot .
 0,11 od’ sie muzin .
 0,12 den selbin vvec lazin .
 0,1 Sante iheronimus vns seit .
 0,2 von sinir geburte di vvarheit .
 0,3 von man vnde vvibe vvirt er geboren .
 0,4 die da zu sint ircorn .
 0,5 nivt von ener magit
 0,6 als er selbe da nah sagit .
 0,7 als siv vvirt suangir .
 0,8 so n bitit nivt langer .
 0,9 der vbel hellevvarte .
 0,10 er n vverde ir geverte .
 0,11 des divels vvirt siv sa vol .
 0,12 vvan er des chindes phlegin sol .
 0,13 sam d’ helige geist .
 0,14 vvas santde marien volleist .
 0,1 Der name anticristus .
 0,2 vvirt betutit sus .
 0,3 Christe vvidirvverdit .
 0,4 vvirt alliz sin dinc .
 0,5 vvan von des englis munde .
 0,6 div herriv magit tragin begvnde .
 0,7 des vvarin gotis vvort .
 0,8 vvoll bevvarin die engil den hort .
 0,9 vnt d’ helige geist .
 0,10 d’ phlac sin allirmeist .
 0,11 des vvas div fronev magit also vol .
 0,12 d’ divel sam tun sol .
 0,13 des entecristis mutir .
 0,14 siv vvirt dodis vuotir .
 0,15 innan vnt vzan .

0,16 d' tivil sol sie began .
 0,17 vvan den siv da gebirt .
 0,18 ain sun er divels vvirt .
 0,19 nivt an der menschait .
 0,20 sunder an allir slahte tobehait .
 0,1 Ze betlehem vvar crist geborn .
 0,2 die vvenige stat hat er ircorn .
 0,3 durch sine michil demvt .
 0,4 da vvidir zeigt der tivel den den hochmvt .
 0,5 babylonia- hat er ircorn .
 0,6 da der entecrist vverde geborn .
 0,7 daz ist ein stat so creftic .
 0,8 die heidin hant cheini ir gelieh .
 0,9 von dannin
 0,10 chumit er ze chorozaime .
 0,11 vnt . zv bethsayda .
 0,12 daz er gezugin uverde da .
 0,13 i- den stetin . crist manigin beruhte .
 0,14 idoch er sie beide virfluchte .
 0,15 er sprach "vve dir bethsayda vn- chorazaim ."
 0,16 da vvirt der selbe vvtgrim .
 0,17 ein ivnger z vare .
 0,18 der vbiln govcelere .
 0,19 ir liste vvirt er so vol .
 0,20 van er si alle habin sol .
 0,1 Paulus der gute man .
 0,2 do er redin began .
 0,3 von der werlt ende .
 0,4 vnt ovh von der vrstn-de .
 0,5 do sprach er also .
 0,6 "nisi venerit primum discessio ."
 0,7 daz kit . gevvalt gesuihe .
 0,8 dem romischin riche .
 0,9 vn- vverde och iroffenot .
 0,10 mit der gri-men not .
 0,11 d' sun d' v'lornisse .
 0,12 der mit allim sime liste .
 0,13 vvidir gote vvil sten .
 0,14 e mac diu vverlt zergen .
 0,15 da bi hat vns gekundit .
 0,16 doch er iz nivvit habe irgrundet .
 0,17 vvi daz romische rihe .
 0,18 zerge garliche .
 0,19 e der selbe valant .
 0,20 vverde chvnt vbir lant .
 0,1 Ieronimus der scrib'e .
 0,2 sagit vns ze mere .
 0,3 vvi er ze rome vunde .

0,4 vvan er iz gesuchin chunde .
 0,5 an aim buche gescribin stan .
 0,6 vvi disiv dinc suln irgan .
 0,1 Der vbranchin chvnic einir .
 0,2 doch er chvome so eine .
 0,3 doch er svl ze ivngist chomin .
 0,4 idoch vvirt er vernomi- .
 0,5 vbir alle z vare
 0,6 die vor ime vvarin .
 0,7 rome vnt lateran .
 0,8 vvirt im vndertan .
 0,9 vnt alle div riche .
 0,10 betvingit er gevalteclihe .
 0,11 sie muzin im cins gebin .
 0,12 er sol seleclihe lebin .
 0,13 in vil langim cite .
 0,14 den fride gebirt er vvite .
 0,1 Ze ivngeist er sich vvol bevart .
 0,2 so gebivtit er eine hervart .
 0,3 ze iherusale- in das lant .
 0,4 daz keiserliche gewa-t
 0,5 sper svert vn- crone .
 0,6 vnt daz cruce vrone .
 0,7 bringit er mit dar .
 0,8 so groz vvirt div selbe var .
 0,9 daz nie keine me .
 0,10 so creftic wart e
 0,11 daz volc daz er leitet .
 0,12 daz gevilde iz bespreitet .
 0,13 sam die vogil die seti .
 0,14 i- monte olyueti .
 0,15 daz keiserliche dyadema .
 0,16 daz ofperet er gote da .
 0,17 mit sin selbis hendin .
 0,18 so ist romisches richis ende .
 0,1 Sam drate ist daz scit .
 0,2 von dem Johannes in apocalypsi kit .
 0,3 div erde elliv irvvagit .
 0,4 vvan vil manig' danne clagit .
 0,5 daz im niman vor si
 0,6 er si scalt odir vri .
 0,7 vvan . igeliher danne tuot .
 0,8 als in leitet sin mvt .
 0,9 und als er z bringin mac .
 0,10 svarz vvirt d' svnne sam ein vullin sac .
 0,11 d' heligi crist .
 0,12 der ein svnne des rehtin ist .
 0,13 d' vvirt virholin danne .

0,14 beide vvib vn- manne .
0,15 getagit sint die phaffin .
0,16 die da soldin vvachin .
0,17 die sint alle entsveibit .
0,18 ob och imin nach gote lebet .
0,19 ich vvez er die not liedae .
0,20 von d' der vvissag it scribit .
0,21 des gotisvurtis durst vn- hung' .
0,22 iz si der meist' odir d' ivng' .
0,23 ir nhainir vvil im daz imblandin .
0,24 daz er gotis andin .
0,25 an keinin dingin welle han .
0,26 von div mvz div vverl zergan .
0,1 Der entecrist ist i dannoh u'holn .
0,2 vvan er sieh nith offinen sol .
0,3 e er vvirt drizit iar alt .
0,4 als vns von im ist gezalt .
0,5 idoch sendit er lyse .
0,6 sine vorbotin wise .
0,7 daz sint die speudopph-e .
0,8 die svln vor komin e .
0,9 die selbin trvginse .
0,10 vverdint vvitin m'e .
0,11 daz sie sin gyte livte .
0,12 idoch steckit i- der schafinin hivte .
0,13 daz vvlaine herze .
0,14 den bitirn smerze .
0,15 muzin sie von in han .
0,16 die mite vvellent gan .
0,1 Apocalypsis daz bvoch sie vervvazit .
0,2 den hovvescrikiln iz sie gebinmazit .
0,3 d' natur ist so getan .
0,4 si n vvellint nivt rehte gan .
0,5 man sagit daz sie sich vlizin .
0,6 vvi sie verholn bizin .
0,7 die angle tragint sie i- den mundin .
0,8 da mite tunt sie wundin .
0,9 idoch svzi sie singi-t .
0,10 hohe sie springint .
0,11 ze vliegint sie strebint .
0,12 in die lufte sie zebint .
0,13 doch vallint sie drate nidir .
0,14 daz machit ir bose gevidir .
0,15 die ovch die trvgihait begant .
0,16 die selbin site sie hant .
0,17 vvan sie des vvenic gedenkint .
0,18 vvaz div vetach bezehini-t .
0,19 daz si got rehte wellin minni- .

0,20 vvr den vluc mvzin sie sp'ingin .
 0,21 svi gvot sin och ir vvort .
 0,22 idoc dunt sie daz mort .
 0,23 an den einvaltín mvtin .
 0,24 got vvelle sie behutin .
 0,25 ir vvirt vil vz der zal .
 0,26 so grozi craft hant sie vbiral .
 0,1 Got durch sine gyte .
 0,2 d' die sine behute .
 0,3 er bevware si inoch .
 0,4 elyam vn- enoch .
 0,5 zvene vvissagin alte
 0,6 die er i- sime gevalte .
 0,7 hat behaltin vunz dar .
 0,8 die send er den sinin z einir vvar .
 0,9 vor dem entecriste .
 0,10 daz er mit sime liste .
 0,11 vn- mit lere
 0,12 daz livt betalle niwt verkere .
 0,1 Als vns santde iohannes dutet .
 0,2 die zvene gotis drutin .
 0,3 sint zvein olbovmin gelich .
 0,4 vvan si der minne sint so rich .
 0,5 sie luhtint sam zvei kercestral .
 0,6 vnt hant och die vval .
 0,7 daz sie den regin behabin betalle .
 0,8 svenne i- gevalle .
 0,9 vn- in abir lazin vlizin .
 0,10 ir zvngin megin den hymel beslizen .
 0,11 vn- vvider vf tun .
 0,12 so sie sich vvellint mvn .
 0,1 Ir predie ist svze vn- gut .
 0,2 got durch ir vvillin tut .
 0,3 vil creftigiv vvnder .
 0,4 manic vngesund'
 0,5 gat von in heil .
 0,6 mit dem divil hant sie kain teil .
 0,7 daz wazer machi-t sie ze blute .
 0,8 die craft git in got der gvote .
 0,9 svelhe sieh vvidir sie sezint .
 0,10 vil schire sie die gelezzint .
 0,11 ir pregide vverit vierdehalb iar .
 0,12 so sagint vns div bvch vur vvar .
 0,1 In de- cite .
 0,2 die ivdin di da zerteilent sint vviten .
 0,3 als sie gehore-t sagin .
 0,4 von den zvein vvissagin .
 0,5 sa beginnint sie gahin .

0,6 daz sie in genahin .
0,7 si kerint vvider an ir altiz phat .
0,8 ze ierusalem- i- die stat .
0,9 die selbin husgenozzi .
0,10 vrevvint siech grozi .
0,11 daz in sol komin crist .
0,12 der in geheizin ist .
0,13 vor manigem iare .
0,14 vvol gelovbint sie des z vare .
0,1 Sa zv d'e stunde .
0,2 vvirt dem hellehunde .
0,3 abe gezvckit daz seil .
0,4 des vvirt vil maniger vngeil .
0,5 der entecrist mit sinin holdin .
0,6 vn- die im vvelli-t volgin .
0,7 ze ierusalem- kymit er vbirlvt .
0,8 den ivdin vvirt er ein vvile trut .
0,9 er sprihit daz er si crist .
0,10 der i- so lange geheizin ist .
0,11 er si vmbe daz geborn .
0,12 daz ir nheinir vverde v'lorn .
0,13 er vvelle sie behutin .
0,14 von allin ir notin .
0,15 ir lant vvell er in vvidir gebin .
0,16 sa beginnint sie zv im strebin .
0,17 i- dem te-pil lat er sieh bisnidin .
0,18 durh die e vvil er daz lidin .
0,19 daz te-pil salomo-is .
0,20 des vvesit alle gevvis .
0,21 daz vvid'zimbert er .
0,22 vvan daz ist alliv sin ger .
0,23 vvie er die altin e .
0,24 mit ir gesezidi bege .
0,25 vf hebit er die ivdischeit .
0,26 daz er zerstorin mege die cristinheit .
0,1 driv dinc er tut .
0,2 maniges menskin muot .
0,3 mit den er verherit .
0,4 sine holdin er so gemerte .
0,5 er hat zeihinne gevvalt .
0,6 daz machit i- vnrechte balt .
0,7 des nimit in untur .
0,8 von dem lufti heizit er komin daz vivr .
0,9 die dvrrin bovme blvgin .
0,10 div vvazer tobin vn- lvgin .
0,11 mit vvazgevvit'e .
0,12 regine bitt'e .
0,13 vn- manig' slahte vvnd' .

0,14 div niman bisvnd' .
0,15 borvvol mac ircelin .
0,16 mit den er mac gevellin .
0,17 ioh der irweltin gemvte .
0,18 iz i- si daz sie got behute .
0,1 Di er mit disin dingin .
0,2 nith mac gevinnin .
0,3 den gibit er phellil vnt bvnt .
0,4 manic gvldin phvnt .
0,5 silber vn- edil gesteine .
0,6 gabit er i- eine .
0,7 vnt alle vverltre .
0,8 alsus vbirkvmit er m'e .
0,9 ez i- si daz div bvoh habin glovgin .
0,10 kvnige vn- h'zogin .
0,11 biscoffe vn- phaffin .
0,12 die da soldin bivvachin .
0,13 di vil arme cristinhait .
0,14 di gevinnit er vil gereit .
0,15 mit svsgetanin gebin .
0,16 bose vvirt der rehtin lebin .
0,1 Sven er vbirkomin nith mac da mite .
0,2 dem zeigt er den drittin sithe .
0,3 sine grimme tobehait .
0,4 er tut in vil michil leit .
0,5 er selbe vn- di sine
0,6 besta-t sie mit nide .
0,7 sie hant zv i- grozin haz .
0,8 des vvirt vil maniger an dem gelovbin laz .
0,1 Elyas vnt enoch .
0,2 gefvigint sint sie noh .
0,3 offin stat der ir mvnt .
0,4 den livtin dunt sie allin chvnt .
0,5 ez si des tyuels list .
0,6 svaz da bigat der entecrist .
0,7 sver ovh im volgin vvelle .
0,8 der mvze bvuuin di helle .
0,9 mit rede so gevuger .
0,10 und and' gnvger .
0,11 die irvveltin sie gim'ae-t .
0,12 die ivdin sie gar bekerint .
0,13 sie chomint alle zv der cristinhait .
0,14 als der vvissagi da seit .
0,15 behaltin vverdint ir reliquie .
0,16 vngetovfth bilibet ir nheinir me .
0,17 an dem gelvobin vverdint sie so veste .
0,18 die creftigin este .
0,19 i- der irvveltin scar .

- 0,20 wider dem entecriste sezint sie sich gaR .
 0,1 Iohannes evva-gelistae .
 0,2 scribit vns von dem entecriste .
 0,3 er sprichit vwie er in allin gehe .
 0,4 ein tyer sehe .
 0,5 vf stigin von dem mer .
 0,6 daz hete vvnderliche vver .
 0,7 ze sagin ist iz im gvt .
 0,8 der vvol gelovbae .
 0,9 daz tyr hete sibir hovbet .
 0,10 vnt zehin horn .
 0,11 er tvv vns och kvnt
 0,12 wie iz hete einis levvin mvnt .
 0,13 d' smeचित vnsvze .
 0,14 iz hete voh bernvuze .
 0,15 eim lebartin vvas iz geliech .
 0,16 daz ist alliz bezeihinlich .
 0,1 Och sagit d' Evangeliste
 0,2 vwie hovbte daz meste .
 0,3 vvas i- der gebere .
 0,4 sam iz tot vvere .
 0,5 vnt vvar abir gesu-t .
 0,6 daz vvar so witin chvnt .
 0,7 manigim livte .
 0,8 nv v'nemet vvaz daz betvte .
 0,1 Daz tyer daz steic vz dem m'e .
 0,2 bizeihinot . den entecrist mit sime h'e .
 0,3 die gevinnint der tyre grimekait .
 0,4 vnt des m'ris tobehait .
 0,5 ez hete einis levvin mvnt .
 0,6 des atme ist vngesvnt .
 0,7 sam vvirt des entecristes vvort .
 0,8 vor gote stinkinde alsam ein mort .
 0,9 sin stimme ist vil egeslich .
 0,10 dar an ist er im ovch gelich .
 0,11 vvan sin sti-me duzet .
 0,12 sam d' vvac der da vlvizit .
 0,13 sin gebot strihit vbiral .
 0,14 sam der donrescal .
 0,15 an der rede hat er die vbirmvt .
 0,16 sam och der levve er tvv .
 0,1 sin stvl er sezit .
 0,2 vvan i- des niemin lezit .
 0,3 in templo domini
 0,4 daz sin gevvalt deste mer sie .
 0,5 so n sing- da niman gevvisse .
 0,6 die metin noch die misse .
 0,7 noch der dagezite nehein .

0,8 vil groz vvirt daz mein .
 0,9 daz d' vvtgrimme .
 0,10 begat mit sin' sti-me .
 0,11 er sprihit daz er sie got .
 0,12 d' alliv dinc hat gebildot .
 0,13 mit sin' magincrefte .
 0,14 die engil i- dem lufthe .
 0,15 mvzin im sin vnd'tan .
 0,16 kein got meg och gegin i- gestan .

28a,1 Sva och der heilige crist .
 28a,2 hete keine vvist .
 28a,3 odir an svelher stete
 28a,4 keine gnadi er tete .
 28a,5 iz si kirche odir mure .
 28a,6 daz zerstoret der vngehure .
 28a,7 sva er gie odir drat .
 28a,8 vnt daz heilige grab .
 28a,9 zerfvrit er algeliche .
 28a,10 vil starc vvirt sin riche .

29a,1 noc habin vvir m'e .
 29a,2 ze sagin von dem dyre .
 29a,3 daz iz hete bernvuze .
 29a,4 daz bezeihint daz vnsvze .
 29a,5 daz er den tvn beginnit .
 29a,6 die vvidir im sinnynt .
 29a,7 ez vvas eim lebarte gelih .
 29a,8 vvan der selbe vvuterih .
 29a,9 hat mislihe lere .
 29a,10 nv demvte . denne here .
 29a,11 och sint die rehtin irrere .
 29a,12 sine volg'e .
 29a,13 sie bringint manigin irretvm .
 29a,14 des vvellint sie habin rvm .
 29a,15 vvelher mit sime sinne .
 29a,16 mengirn volg' gevvinne .

30a,1 nv vvil ich och lvtin .
 30a,2 vvaz div sabin hovbit betvtin .
 30a,3 sie bezeihint allirmeiste .
 30a,4 sabin vbil geiste .
 30a,5 die alliv dinc scundint .
 30a,6 div die sele vvndint .
 30a,7 mit den och vvas besezin .
 30a,8 div da gotis hete v'gezin .
 30a,9 maria magdalena
 30a,10 universis viciis plena .

- 30a,11 aller meine vvas siv vol .
 30a,12 idoch betathe siv sich vvol .
 30a,1 got durch sine gyte .
 30a,2 gab ir daz gemvte .
 30a,3 daz siv zv im gi .
 30a,4 dvrch ir unreht siv daz nivt verli .
 30a,5 siv vvente im vf sine vuze .
 30a,6 siv cvste sie vil svze .
 30a,7 vnt vviste si mit ir vahsin .
 30a,8 die siv e lie vvahsin .
 30a,9 dvrch groz vnvart .
 30a,10 von criste vvart siv do vvol bevvarnt .
 30a,11 mit sinin gnadin er sie droste .
 30a,12 von sibir diveln er sie loste .
 30a,13 daz sint div sibir hovbit .
 30a,14 des divels kint vil vvol irovgit .
 30a,15 der ungehure entecrist .
 30a,16 daz er ir allir vol ist .
- 31a,1 Der hovbte vvas ovch einiz dotvvnt .
 31a,2 vn- vvart abir gesvnt .
 31a,3 daz bizeihint ein list .
 31a,4 den begat der entecrist .
 31a,5 von dem geschihit michil leit .
 31a,6 sinin holdin er seit .
 31a,7 daz er vvelle irsterbin .
 31a,8 er lerit sie vvi sie vverbin .
 31a,9 vn- vvi si i- svln began .
 31a,10 an dem dritin dage vvell er irstan .
 31a,11 als er in gikvndit die not .
 31a,12 sa ligit er vor dot .
 31a,1 so vvirt groz ir vngehabe .
 31a,2 sie dragint in zv dem grabe .
 31a,3 sie vvrkint vverde
 31a,4 ein grab vf d' erde
 31a,5 da nie niman inne gelach .
 31a,6 vnz an den dritin dac
 31a,7 bevvarnt sie i- da i-ne .
 31a,8 mit allim ir sinne .
 31a,9 vnt mit michiln sorgin .
 31a,10 an de- dritin morgin .
 31a,11 von dem grabe er irstat .
 31a,12 er slvfit i- vil edil vvat .
 31a,13 er sprihit er vvele imer lebin .
 31a,14 der gevvalt si im gigebin .
 31a,15 i- hymil vn- erde .
 31a,16 des vrovvvint sih die sine so vverde .

- 32a,1 die altin scrib'e .
 32a,2 sagint vns ze mere .
 32a,3 vvir vindin z an den buochin .
 32a,4 vvele vvir z svohin .
 32a,5 vvie div vverlt algelihe .
 32a,6 i- zehin kvnicrihe .
 32a,7 zerteilit vverde .
 32a,8 e d' vnvv'de .
 32a,9 d' gotis vvid'strite
 32a,10 kvom i- sim zite .
 32a,11 die zehin kvnigi er bitvingit .
 32a,12 vil gereite er sie gevinnit .
 32a,13 zi sviv er si vvil habin .
 32a,14 als vvir iv nu vvellin sagin .
- 33a,1 Ein volcvvic er ane gat .
 33a,2 dri kvnige er mit strite bestat .
 33a,3 d' ist einer vzir affrica .
 33a,4 d' and' von etiopya .
 33a,5 der kvnige dir drite
 33a,6 ist vzir egypte .
 33a,7 sie vurint magin garvvin man .
 33a,8 idoh gesigit er i- an .
 33a,9 sa vverdint im div riche
 33a,10 vnd'tan algelihe .
 33a,11 ein igelieh kvnic vn- sin lant .
 33a,12 irgibit sieh i- sine hant .
 33a,13 ze herin vvirt er vbiral ircorn .
 33a,14 daz bedvtint div zehin horn .
- 34a,1 Svaz ovh hat div horn .
 34a,2 da mite rihit iz sinin zorn .
 34a,3 asso dvt dut d' entecrist .
 34a,4 er keret allin sinin list .
 34a,5 vvidir den gotis holdin .
 34a,6 er ist i- irbolgin .
 34a,7 an i- richit er sinin andin .
 34a,8 mit den vurstin . i- allin landiN .
 34a,9 sie sint siniv horn .
 34a,10 von den mvzin die cristan sin v'lorN .
- 35a,1 Aals daz dinc ane gat .
 35a,2 helias nivt en lat .
 35a,3 noch d' gvote enoch .
 35a,4 si en predigen doch .
 35a,5 so starc vvirt ir herzeleit .
 35a,6 dvrch die grozin drvgihait .
 35a,7 vf den lieb hant sie kein achte .

35a,8 mit michilm gebrehte .
 35a,9 bestant sie den grimmin .
 35a,10 samint beginni-t sie lymmiN .
 35a,11 mit rede gnvꝑ' .
 35a,12 diffir vn- gefvg' .
 35a,13 so creffig vvirt der striet .
 35a,14 daz vnz an daz zit .
 35a,15 nie kein gelert man .
 35a,16 sogetanes began .
 35a,17 noch i mohte vur bringin .
 35a,18 mit den vvortin beginnint sie i- tvingin .
 35a,1 so grifit er an div zeihin .
 35a,2 ir gemvte vvil er gerne vveihin .
 35a,3 iz m ist im abir ze nivte gvot .
 35a,4 got dvrch ir vvillin tvt .
 35a,5 mihilis m'e .
 35a,6 daz mvgit i- vil sere .
 35a,7 vvan i- div rede nivt virfeht .
 35a,8 von div grifit er an daz sverth .
 35a,9 sie sint die eristin den er tvt den dot .
 35a,10 vil groz vvirt denne not .
 35a,11 abe slahin heizit er i- div hovbet .
 35a,12 so ist vbir die cristan irlovbet .

36a,1 Sa vvrovvvi-t sic vnmazin .
 36a,2 di gotis vvidirsazin .
 36a,3 sie gahint sendin vnde geben .
 36a,4 sie vvenint sie megin samfti lebin .
 36a,5 vvan die zvene sint irslagin .
 36a,6 der vvort sie nivt mohtin vertragen .
 36a,7 der predigie sie mvti so sere .
 36a,8 sie vlizint sich deste m'e .
 36a,9 ir vrovvede mit gefreze .
 36a,10 ze iherusale- an d' straze .
 36a,11 ligint die heiligin vnbeg'bin .
 36a,12 ir getar niman keine rvche habin .

37a,1 Got zeigt idoch sinin zorn .
 37a,2 alse die zven vverdint v'lorn .
 37a,3 vngerohin lad er z nivt belibin .
 37a,4 von donre vn- von ertbibe .
 37a,5 div stat alliv irvvagit .
 37a,6 als vns div bvoh sagint .
 37a,7 ir vrovvide vvirt vil vngeil .
 37a,8 d' stete daz dritteil .
 37a,9 beide gezimb' vn- gemvre .
 37a,10 daz zervellit vil vngehvre .
 37a,11 die dar i-ne bvuuent .

- 37a,12 ih vveiz sie die vrovvidi dovrvint .
 37a,13 die si haptin vnrehti .
 37a,14 daz ist ein gotis gerihte .
- 38a,1 nv in vvellin vvir och nivt verdagin .
 38a,2 von den zvem vvissagin .
 38a,3 vvie sie ligin dri dage .
 38a,4 vn- ein halbin obe der erde .
 38a,5 des vierdin tagis svln si erstein .
 38a,6 i- eim vvolckin zi hymil gein .
 38a,7 ovh kvmit ein stimme vbiral .
 38a,8 daz der livt algelihe den scal .
 38a,9 vil vvol v'nimit .
 38a,10 siv ladit die herrin als i- vvol gezimit .
- 39a,1 Nv v'nemit algeliche .
 39a,2 vn- m'kit steteclihe .
 39a,3 vvaz die ler'e .
 39a,4 redin ze disim m'e .
 39a,5 sie sprechint si en irstein nivvit sa .
 39a,6 als gescribin si da .
 39a,7 den cristan si iz ze troste gescribin .
 39a,8 sie mvzin idoch lengir ligin .
 39a,9 sie vvellint daz der vierdehalb dag . si alliz daz zit .
 39a,10 so d' endecrist hat den vvirdirstrit .
 39a,11 daz ist vierdehalp iar .
 39a,12 so lande ligin vur vvar .
 39a,13 die zvene vvissagin .
 39a,14 die dvrh crist werdint irslagin .
 39a,15 zv d' livte gesihte .
 39a,16 sam z eim gerihte .
 39a,17 vnbegrabin vnd vnvert
 39a,18 got d' sie anz dar hat ernert .
 39a,19 so manig dvsint iare .
 39a,20 er bevvarit sie ovh danne z vare .
- 40a,1 nv kerin vvider an den hvnt .
 40a,2 an den leidigin hellislvt .
 40a,3 an den anticristvm .
 40a,4 ez si kvnicrihe odir bicstum .
 40a,5 daz hat er danne in sinir hant .
 40a,6 betvvngin hat er elliv div lant .
 40a,7 er gebivtit sva dehein gotis holdi si .
 40a,8 er si scalt odir vri .
 40a,9 lege odir phaffe .
 40a,10 daz man daz scaffē .
 40a,11 mit gvte . odir mit leide .
 40a,12 daz er von criste scheide .

- 40a,13 er si arm oder riche .
 40a,14 sie mvzin im algelihe .
 40a,15 gehorsamin odir i-trinnin .
 40a,16 meht och die vlvht keinir gevvinin .
 40a,17 des mehti vverdin etlich rath .
 40a,18 vil luzil im deheiner ingath .

 41a,1 Er sendae ovch vbirlvth .
 41a,2 simeliche siniv trvt .
 41a,3 er gibit i- alli sine craft .
 41a,4 von dem tyuil vverdint si behaft .
 41a,5 sie tvnt vvnd' manigiv .
 41a,6 vil harte creftigiv .
 41a,7 sie kvndit i- allin landin .
 41a,8 ir herre si erstandin .
 41a,9 er si ovch d' vvare got .
 41a,10 vil manigvalt vvirt der spot .
 41a,11 den si tribint von criste .
 41a,12 Iohannes evangeliste .
 41a,13 sagit vns vvie e' sehe .
 41a,14 ein dier vil spehe
 41a,15 ein dier vil gramelih .
 41a,16 doch het iz zvei horn div vvarin gelich .
 41a,17 sam sie einis lambis vverin .
 41a,18 s in stundin niemin ze gevere .
 41a,19 die selbin er da mite betvte .
 41a,20 vvan sie irzeigint sich vor de- livte .
 41a,21 vvi sie habin die zvivalti minne .
 41a,22 doch sint ir sinne .
 41a,23 grim ovnt dobelich .
 41a,24 von div sint sie deme dyre gelieh .

 42a,1 nv vvellin vvir iv ovh sagin .
 42a,2 vvir n megin iz nivt v'dagin .
 42a,3 ein deil von ir lere .
 42a,4 da bi gedenkit irre m'e .
 42a,5 ir rede habint alsvs .
 42a,6 der da heizit Jesus .
 42a,7 der vvas ein grimir man .
 42a,8 keinin frunt er nie so libin gevvan .
 42a,9 er n vvolte daz er litde not .
 42a,10 vn- den bitdirn dot .
 42a,11 vnser herre ist so gvt .
 42a,12 niman er da mite mvt .
 42a,13 er n ne heizit niman vvachin .
 42a,14 vveinin noh lachin
 42a,15 er heizit vch sin mit gnadin .
 42a,16 alle die im genahin

- 42a,17 ez si d' hvrindir man .
 42a,18 odir der nie vvib gevvā .
 42a,19 er si milthe odir ein dieph .
 42a,20 sie sint im alle ebin lieph .
 42a,21 sver in ze herrin vvil han .
 42a,22 vnt im vvil sin vnd'tan .
 42a,23 der du svaz er vvelle .
 42a,24 vn- ist idoch sin geselle .
- 43a,1 Svaer abir die rede lezit .
 43a,2 vnt siech vvid' ir lere sezit .
 43a,3 dem sprechint sie drovvelihe zv .
 43a,4 sit er so vreviliche dv .
 43a,5 im si gvt daz er bevware .
 43a,6 vvie er gevverliche uare .
 43a,7 daz er ith gelige ze ase den rappin .
 43a,8 sam di da zv ihervsale- ligint vnbegrabin .
- 44a,1 Ein reth si sezint ovh danne .
 44a,2 vvieb vn- manne .
 44a,3 allin geliehe .
 44a,4 daz stetint die da phlegint d' riche .
 44a,5 daz man nieman lazi lebin .
 44a,6 er n habe sich dem entdecriste irgebin .
 44a,7 sie machint vvehsinne manlih .
 44a,8 dem entecriste so gelich .
 44a,9 i- eim islichim lande .
 44a,10 ze eim vrkvnde .
 44a,11 d' divuil gibit i- die craft .
 44a,12 div bilde vverdint redehaft .
 44a,13 div bilde beginni-t sprechin .
 44a,14 so gahint si sa zechin .
 44a,15 i- enir igeliher stete .
 44a,16 daz d' livt div bilde ane bete .
 44a,17 sver ovh des vveigerot .
 44a,18 d' mvz lidin den toth .
- 45a,1 I dannoch sie sezint ein reht .
 45a,2 daz mvz behaltin d' herre ioh d' kneht
 45a,3 vbir alliv div lant .
 45a,4 sver an sin' zesivven hant .
 45a,5 des entdecristis bvstabe .
 45a,6 nivt vvelle habin .
 45a,7 den sol niman lazin lebin .
 45a,8 od' ith ze kovfin gebin .
 45a,9 der bvstab ist sogetan .
 45a,10 des entdecristis namin sol er haN .
 45a,11 also vverdint sie dem tyuel v'salt .

- 45a,12 er si ivnc od' alt .
 45a,1 vva vva't i sagetaniv not .
 45a,2 ov ve vvi manig' denne ten dot .
 45a,3 vvniskin beginnit .
 45a,4 vil manig' ovh des sinnit .
 45a,5 vvi er sich virberge .
 45a,6 in hol odir erde .
 45a,7 vor der not div danne ist .
 45a,8 von d' selbe vnser herre crist .
 45a,9 sagte i- dem Evangelio
 45a,10 do er sprah "qui fuerit in agro"
 45a,11 daz kiet . sver denne an keim ackir ist .
 45a,12 d' cherae allin sini- list .
 45a,13 vvie er zv dem gebirge intrinne .
 45a,14 daz er da rvuue gevvinne .
 45a,15 svelher ovh ist vf dem dache .
 45a,16 si er ioh ane lachin .
 45a,17 er in stigit niht nid' i- daz hvs
 45a,18 daz er ivvit neme dar vz .
 45a,19 daz lebin dvnket i- svere .
 45a,20 er intrvnne g'ne meht' lere .
- 46a,1 Ovch sprah vnsir h're Jesus
 46a,2 "ve pregnantibus ."
 46a,3 daz kit . vve draginden vn- sovgindin vvibin .
 46a,4 vvan sie mvzin denne lidin .
 46a,5 die vil grimme qale .
 46a,6 si en vvellin ane tvale .
 46a,7 ane betin den entdecrist .
 46a,8 so creftic sin gevvalt ist .
- 47a,1 Inoch habe vvir ein trost .
 47a,2 got d' vns hat irlost .
 47a,3 mit sim blvte .
 47a,4 durch sine groze gvte .
 47a,5 gekvrzit hat er die tage .
 47a,6 [...] [...]
- 47a,7 dvrh d' irrveltin vvillin .
 47a,8 da mite bringit er sie innin .
 47a,9 daz er niht vergezin hat .
 47a,10 alse vierdehalp iar . irgat
 47a,11 an sogetaner vvute .
 47a,12 an d' heiligin blvte .
 47a,13 so hat d' vvtgrimme vollelebt .
 47a,14 daz er vvid' gote hat gestrebit .
 47a,1 daz mvz er dovuuin sere .
 47a,2 nah santde paulis lere .
 47a,3 i- sleht daz gotisvvort .

47a,4 zerstibin mvz er als ein stinkindiz mort .
 47a,5 vor gotis gesihte .
 47a,6 daz selbe gerihte
 47a,7 i- mo-te olyueti irgat .
 47a,8 durh neheine vorhte er lat .
 47a,9 da crist fvr ze himele .
 47a,10 er sezt da sin gesidele
 47a,11 er sizit da i- sim gezelte .
 47a,12 mit dem rehtin gelthe .
 47a,13 vvirt im da gelont .
 47a,14 er i-phahit den evvigin dot .

48a,1 Similiche stritent dar vmbe .
 48a,2 vvi in d' engil vnnde .
 48a,3 er sla i- mit eim sverte .
 48a,4 similiche vvid'redint daz gev'te .
 48a,5 sie sprehint i- sla des donris slac .
 48a,6 vil vvol daz vvesin mac .
 48a,7 vvir megin vvol gelovbin daz iz vvar sie
 48a,8 vvan Johannes sprihit i- apocalypsy .
 48a,9 daz da von svebile vn- vivre .
 48a,10 vur vverde d' vngehvre .
 48a,11 er vn- sine holdin .
 48a,12 vvan si got hant irbolgin .
 48a,13 div vverlt irvvagit vbiral .
 48a,14 ein vil creftig' scal .
 48a,15 so vallit vil dicke .
 48a,16 mit regne ioh mit blicke .
 48a,17 ein vivrin genible .
 48a,18 mit stinkindim svebile .
 48a,19 mit den sinen d' leidige hvnt .
 48a,20 subito peribunt .
 48a,21 i- allin gahin vverdint sie v'lorn .
 48a,22 so groz vvirt gotis zorn .
 48a,23 d' denne vbir sie gat .
 48a,24 daz ir heinis vvirt rat .
 48a,25 sie zerstiebint also garvve .
 48a,26 sam ir i vvrde kein varvve .

49a,1 Von sogetanme valle .
 49a,2 irscrikit div vverlt al betalle .
 49a,3 svaz lebae . vivnf dage daz irzagit .
 49a,4 vn- dri iz gedagit .
 49a,5 so hat vns d' vwise beda gekv-dit .
 49a,6 vvan iz hat irgrvndit .
 49a,7 Iohannes i- apocalypsi kit .
 49a,8 da er merkit daz selbe zit .
 49a,9 vbir d' vve'lte vier drum .

49a,10 vvar̥t ein silencium .
 49a,11 quasi media hora .
 49a,12 daz svl vvir iv dutin sa .
 49a,13 sam i- einir mitlin stv̥ndin .
 49a,14 von nimannis mv̥nde .
 49a,15 vvirt kein stimme v'nomin .
 49a,16 daz zit sol komin .
 49a,17 zviskin d' vnrehtin dode .
 49a,18 vnt d' cristan gnade .
 49a,19 daz hat hie bezeihinit .
 49a,20 d' mitlin sv̥ndin ist iz gelihit .

50a,1 Div mensche div dannoch hant daz lebin .
 50a,2 die sich dem entdecriste hetin irgebin .
 50a,3 die durch die grimmin not .
 50a,4 begingin daz d' entdecrist gebot .
 50a,5 ze gote sie vvidirsinnint .
 50a,6 sin' gnade sie gedingent .
 50a,7 vil lvtir vvirt ir clage .
 50a,8 got hat danne vierzit dage .
 50a,9 den irvveltin virlazin .
 50a,10 die ane gebetit habtin daen v'uuzin .
 50a,11 daz sie mit trivvin .
 50a,12 ir missedete rivvin .
 50a,13 e daz gerihte irge .
 50a,14 man lisiet in daniele .
 50a,15 vvie ez svl also irgein .
 50a,16 vvi lange denne div vverlt svl stei- .
 50a,17 daz ist allin gelieche vnchvnt .
 50a,18 crist sprah selbe dvrch sinin mvnt .
 50a,19 ez in soltde vvizzin d' ivnge noch d' alte .
 50a,20 daz d' vat' hat in sime gevalte .

51a,0 De signis XV . dierum ante diem iudicii .
 51a,1 Idoch hat iheronimus .
 51a,2 gscribin i- annalibus .
 51a,3 von vivnfcehin dagin .
 51a,4 daz i- vvil ich nivt v'dagin .
 51a,5 die svln han mislihiv zeihin .
 51a,6 daz sint gotis bovchin .
 51a,7 nv v'nemit des erstin dagis zeihin .

52a,1 Vbir die berge vvahsint div m'vvazzir .
 52a,2 niman vvirt doch nazzir .
 52a,3 zivvelf claftir sie da obe stant .
 52a,4 sam ein mvriniv vvant .
 52a,5 des andirn dagis kerint sie vvid'e .
 52a,6 vn- vallint so nid'e .

- 52a,7 daz man sie chvme gesehin mac .
 52a,8 also danne chvmit d' dritde tach .
 52a,9 so saminent sieh des m'es vvege .
 52a,10 an ir e'ron sege .
 52a,11 vvid' an ir alte stat .
 52a,12 als sie von erist vvurdin gesazth .
- 53a,1 Des vie'din tagis vvnd' .
 53a,2 div mer begant bisvnder .
 53a,3 svaz i- dem m' lebit .
 53a,4 vbir den vvac iz strebit .
 53a,5 sie gant zesamme i- strit .
 53a,6 sam sie habin grozin nit .
 53a,7 sie lugint vn- bellint
 53a,8 vil lute sie gellint .
 53a,9 doch i- vvizzin die livte
 53a,10 vvaz iz betvtde .
 53a,11 got d' vveiz iz eine .
 53a,12 waz sie da mite meinm .
 53a,13 mit den dingin .
 53a,14 div i- dem m'e ringint .
 53a,15 daz sint des meris zeihin .
 53a,16 des vivnftin dagis beginni-t sieh leichin .
 53a,17 an den veldin daz gevugele .
 53a,18 igelichis nah siner edile .
 53a,19 zesamin sie dizint
 53a,20 vil harte sie rizint .
 53a,21 des mazes sie v'gezint
 53a,22 sie drinchint noh i- ezint .
 53a,23 so vverdint an de- sextin dage .
 53a,24 die beche alle in vvage .
 53a,25 iz si bach oder bru-ne .
 53a,26 sie lovfint zv dem vrspringe .
- 54a,1 Des sibindin dages daz gestirre .
 54a,2 daz an de- firmam-to gat irre .
 54a,3 vn- ein egelich hymellicht .
 54a,4 daz inbietit langir nit .
 54a,5 ab im springit daz vivr
 54a,6 div vurbe vvirt vil vngehvr .
 54a,7 so vvirt sa daz ertriche i- vvage .
 54a,8 an dem achtodim tage .
 54a,9 so starc vverdint die ertbibe .
 54a,10 sam niht svl belibin .
 54a,11 ez si vihe odir livt .
 54a,12 gestan mac denne nivt .
 54a,13 vvedir gestan nooh gegan .
 54a,14 vf die erde mvz iz siech lan .

- 54a,15 so n ist zivil nehain .
 54a,16 des nivndin dagis ein islich stein .
 54a,17 er si cleine odir groz .
 54a,18 i- vier deil er mvz .
 54a,19 die steine zerspringi-t
 54a,20 div stvche sami-t ringint .
 54a,21 beide crvt vn- bovm .
 54a,22 gevvi-nent blvdigin tovm .
 54a,23 sie vverdi-t gar blvtvar .
 54a,24 des cehindin dagis daz ist vvar .
- 55a,1 Inoch vvirt div erde i- vvage .
 55a,2 an dem elfdim dage .
 55a,3 so starc vverdint die ertbibe .
 55a,4 sam iht svl belibin .
 55a,5 iz si bvhil odir berc .
 55a,6 an dem en ist kein menslich vverc .
 55a,7 noh cheines menskin list .
 55a,8 svaz ovh gezimbers ist .
 55a,9 daz i- mac lenger gestan .
 55a,10 zv eim stvppe mvz iz zirgan .
 55a,11 ez si vihe odir dier .
 55a,12 an dem zvelftim dage vil schir .
 55a,13 sie lovfint vz dem vvalde .
 55a,14 an daz velt balde .
 55a,15 sie rvhilint vn- lugint
 55a,16 keinis mazzes sie sich mvgint .
- 56a,1 Als vvir z habin an d' sage .
 56a,2 an dem dricehindin dage .
 56a,3 stant div greber alliv offin .
 56a,4 die dar inne vvarin berohin .
 56a,5 die habint vf an des grabis mvnt .
 56a,6 doch ist vns unchvnt .
 56a,7 i- vvelhin bildin sie da habin .
 56a,8 von div svl vvir des gedagiN .
- 57a,1 div menske div dannoh lebint .
 57a,2 des viercehindin dagis sie den sin begibint .
 57a,3 vor leide sie nivt i- sprechint .
 57a,4 kein dinc sie zehchint .
 57a,5 si lovfint an daz gevilde .
 57a,6 sam sie sin vvilde .
 57a,7 v'lorn hant sie die kvnst .
 57a,8 sie n hant cheine v'nvnt .
 57a,9 niht langir iz danne vvesin mac .
 57a,10 so chvmit d' vivnfcehinde dach .
 57a,11 an dem ligint div menske alliv dot .

57a,12 so ist iz geredit an die ivngesten not .
 57a,13 an daz ivngiste gerihte .
 57a,14 got hat eine i- siner phlehte .
 57a,15 vvanne die vivnfcehin dage irgein .
 57a,16 ob sie sament nah einand' gesten .
 57a,17 obe daz gerihte sa irge .
 57a,18 odir da nah kei- frist si me .

58a,0 De adventu Christi ad iudicium .
 58a,1 dauid sprach alsvs .
 58a,2 ignis in conspectu eius .
 58a,3 daz vivr inbrinnet vor sin' gesihte .
 58a,4 also beginnit daz gerihte .
 58a,5 hymel vnt erde samae-t brinnit .
 58a,6 dem vivre nivt entrinnet .
 58a,7 daz sagin vvir ane vvan .
 58a,8 daz vivr ist also getan .
 58a,9 iz irlvtert algeliche .
 58a,10 den himel vnt daz ertrihe .
 58a,11 si en svln nivt gar zergan .
 58a,12 ain and' bilde svln sie han .
 58a,13 "preterit figura mundi ."
 58a,14 so sprach paulus do er begvnde
 58a,15 redin von disin dingin .
 58a,16 div vverlt sol ein ander bilde gevvinin .

59a,1 Daz det ovch crist selbe kvnt .
 59a,2 do er sprach "celum et terra transibunt ."
 59a,3 hyemil vnt erde vvirt v'uuandelot .
 59a,4 ov vi vvie creftic vvirt div not .
 59a,5 daz vivr daz vvir nu han .
 59a,6 vvie vnlangi iz da mac gestan .
 59a,7 daz vvazir brinnit sam ein durriz baht .
 59a,8 inoch ist vnvollaht .
 59a,9 div craft die daz vivr hat .
 59a,10 sam daz golt in deme vivre lat .
 59a,11 valisk vnde bilde daz iz hat .
 59a,12 ich vveiz iz himel vn- erde sam irgat .

60a,1 Sa ze d' stvnde
 60a,2 von der engil mu-de .
 60a,3 dizint div horn dicke .
 60a,4 i- aime ovginblike .
 60a,5 irstant die dotin alli .
 60a,6 beide die i- dem hellevvalle .
 60a,7 gebitin hant vnz dar .
 60a,8 vnt ovh die got in sin' bevware .
 60a,9 vil scone behaltin hat .

- 60a,10 od' svi iz vmbe sie stat .
 60a,11 die svln irstan algeliche .
 60a,12 mit ganzim liebe vverliche .
 60a,13 des i- ist kein vvan .
 60a,14 ir igelicher sol gesvnt irstan .
 60a,15 im vverdi ovch vvol odir vve .
 60a,16 ir nheiner mac irsterbin me .
- 61a,1 So sizit an den gerihte .
 61a,2 ze d' vverlt allir gesihte .
 61a,3 filius hominis .
 61a,4 d' heilant Jesus vil gevvis .
 61a,5 offin stant sine vvnden .
 61a,6 er zeigt sie vnv'bvndin .
 61a,7 mit d' durinin croni .
 61a,8 ovgit er daz cruce frone .
 61a,9 daz sper vnt div spo-gia .
 61a,10 vverdent ovch irzeigt da .
 61a,11 vz sime mu-de ein svert gat .
 61a,12 die scarphin ecke daz hat .
 61a,13 er ist d' vvare menske vnde got .
 61a,14 d' selige d' sin gebot .
 61a,15 hie hat behaltin .
 61a,16 michilir vrevde sol er da vvalt in .
 61a,17 svi doch die engil da bibin .
 61a,18 so n megin di vbiln bi den gvtin nivt lang' belibin .
 61a,1 die d' scaphe namin hant .
 61a,2 zv d' cesevve sie gestant .
 61a,3 die aber zv den kizin sint gezalt .
 61a,4 vvan sie vnrechte vvarin balt .
 61a,5 zv d' vvinster vverdint sie gesezit .
 61a,6 ir vnrecht sie lezit .
 61a,7 mit ir svndin stant sie geseilit .
 61a,8 doch habe vvir vvie da vverdin gedeilit .
 61a,9 beide vbile vn- gvt i- vier scar .
 61a,10 div oberoste vvirt vil scone gar .
 61a,11 das sint die gotisbotin vverliche ./
 61a,12 unde alle ir gelihin .
 61a,13 den hie bevolhin ist div cristinhait .
 61a,14 vn- sver die stole mit ir rechte dreit .
 61a,15 die svln vf den dincstvl sizzin .
 61a,16 vvan sie mit gvtin vvizzin .
 61a,17 ir lebin hi hant behaltin .
 61a,18 des gerihtes svln sie da vvalt in .
- 62a,1 So stat div nidereste scar .
 62a,2 dar ingegin vil iam'liche gar .
 62a,3 mit nide unt mit hazze .

62a,4 dem vvre vverdint sie gebin ze mazze .
 62a,5 an vrteil sint sie v'lorn .
 62a,6 vvan sie den gotiszorn .
 62a,7 nivt i- vorhtin .
 62a,8 kein gvt sie nie gevvorhtin .
 62a,9 vn- vmbe svelhe iz ovch so stat .
 62a,10 daz sie dvrch ir grozi missetat .
 62a,11 von der cristinheit vverdint gesceidin .
 62a,12 daz selbe svln sie da lidin .
 62a,13 ob sie an d' untrvuue .
 62a,14 vverdint vundin ane rivve .
 62a,15 sie vverdint d' diveli genoze .
 62a,16 got vns da vor bevvarin mvze .

63a,1 Da mit in zvo scare stant .
 63a,2 div gerihte vbir die beide irgant .
 63a,3 div eine inphahit den drost .
 63a,4 mit vrteil vvirt siv irlost .
 63a,5 ir gvt vur ir vnreht gat .
 63a,6 von div vvirt ir gvt rat .
 63a,7 div and' vvirt verkorn .
 63a,8 ov ve daz i vvar geborn .
 63a,9 d' da vvirt v'teilit .
 63a,10 zv den divele vvirt er evveclihe geseilet .

64a,1 Iesus der heilant .
 64a,2 die da gestent zv d' cesevvin hant .
 64a,3 die grvzit er mit gvte .
 64a,4 er sprichit . "venite benedicti .
 64a,5 ir gesegintin minis vat' chvmit her .
 64a,6 des i- vvid'stet ivh chein vver .
 64a,7 inphahin scvlt ir daz riche .
 64a,8 vvan ir vil minneclihe .
 64a,9 mich beruchtint genote .
 64a,10 in allin minin notin .
 64a,11 ez vver hunger od' nachedag .
 64a,12 vn- ob ich gevangin oder sieh lach .
 64a,13 ir vvistid min vil drate
 64a,14 mit gebe ioh mit rate .
 64a,15 vergeltin vvil ich iv daz ."
 64a,16 i dannoch trostet er sie baz .
 64a,1 mit d' bescovuude sinir ovgin .
 64a,2 irzeigt er i- sine dovgin .
 64a,3 vultum sue claritatis .
 64a,4 daz antlvtdē siner sconliche vil gevvis .
 64a,5 daz er sinen ivngern irzeigite .
 64a,6 do er si nach im neigete .
 64a,7 d' sin anblick det in so vvöl .

- 64a,8 d' gotelichin svze vvr din si so vol .
 64a,9 daz sie lizin svaz sie mohtin han .
 64a,10 sie iltin vil drate nach im gan .
 64a,11 sie dratin rehte i- sin phat .
 64a,12 d' selbin svze vver dint vil sat .
 64a,13 alle gotis drvtin .
 64a,14 sie sprechint vbirlivte .
 64a,15 "h're vva gedinite vvir dir i
 64a,16 in keinin notin gesahe vvir dich ni ."
- 65a,1 Bi d' rede sol m'kin d' livt .
 65a,2 daz die saeligin dvnkit ein nivt .
 65a,3 svaz sie durch got irlitin hant .
 65a,4 svenne sie ze siner gesichte gestant .
 65a,5 sie dvnkit daz sie i gevvnin kein mv .
 65a,6 so sprichit in aber der heilant zv .
 65a,7 "do ir ivh die armin
 65a,8 lizint irbarmin .
 65a,9 beide siechin un- gevangin svchtint .
 65a,10 vnt die bervchtint .
 65a,11 daz vva%^os alliz mir getan ."
- 65a,12 die danne zv d' vvinst' sihit stan .
 65a,13 ich vveiz er sich an i- richit .
 65a,14 vil zornliche er zv sprichit .
 65a,15 "vvan ivh des vnrehtes nan vil vntvr .
 65a,16 nv vart ir firfluctin i- daz evvigi vivr .
 65a,17 daz dem divil gegervvit ist ."
- 65a,18 so n hilfit kein list .
 65a,19 noch keinir slachte lovgin .
 65a,20 kein svnde vvar ni so tovgin .
 65a,21 siv i- vverde kunt danne .
 65a,22 vvib vn- ma-ne .
- 66a,1 Ov ve i- die zv d' helle sint ircorn .
 66a,2 vnser herre Jesus zeiget i- sinin zorn .
 66a,3 mit eim grimmi- ovcblicke .
 66a,4 die da gestvlt so dicke .
 66a,5 i- dem templo habtin .
 66a,6 von dem selbin aneblicke si irzagitin
 66a,7 sie fluhin alli dar vz .
 66a,8 er sprah sinis vat' hvs
 66a,9 solte ein betehvs vvesin .
 66a,10 dar i-ne soltde man singin vn- lesin .
 66a,11 vn- nivt anders began .
 66a,12 kein chovf solte . da i-ne bestan .
 66a,13 ich vveiz iz den ze ivngeist sam irgat .
 66a,14 vbir die er div ovgin sinis zornis lat .
 66a,15 von sin' bescovvede sie vlihint .

- 66a,16 zv dem divel sie cihint .
 66a,17 i- d' helle drvuue-t samft' genesin .
 66a,18 e sie vor sin' gesihte vvellin vvesin .

 67a,1 Sa vvirt gesvndert vbil vn- gvt .
 67a,2 des in habe nimin keinin mvt .
 67a,3 daz sie vordermal vverdin gesammet .
 67a,4 die v'uuorhtin mvzin die hellenot
 67a,5 lidin mit sere .
 67a,6 kein gevvaht vvirt ir m'e .
 67a,7 den seligin iz danne irgat .
 67a,8 als iz gescribiN stat .
 67a,9 non esurient amplius .
 67a,10 daz vvirt bedudet svv .
 67a,11 si i- hvng'et noch gedurstet me .
 67a,12 kein hize duot i- vve .
 67a,13 ir vrgant vvirt vil gvt .
 67a,14 bi den brunni- stat d' blvmin blvt .
 67a,15 neheine stat da hat d' haz .
 67a,16 nimins avge vvirt da nas .
 67a,17 da i- ist kein vvufht .
 67a,18 vved' ser nooh rovft .
 67a,19 dan ist niman vngesvnt .
 67a,20 quoniam priora transierunt .

 68a,1 Iohannes horte ein sti-me sprechin . so .
 68a,2 "ecce omnia nova facio .
 68a,3 nivuue mach ich allev dinc ." .
 68a,4 den himel vn- den ertrinc .
 68a,5 machit div goteheit vwise .
 68a,6 ze eim evveclihin paradise .
 68a,7 daz vvirt terra viventium .
 68a,8 nv gebe vvir d' rede ein drum .
 68a,9 ez vvirt d' lebindingin erde .
 68a,10 da svln bvruen vverde .
 68a,11 alle gotis drutin .
 68a,12 nv bite vvir hivte .
 68a,13 hivte vn- vurd'mal .
 68a,14 das got ane alle tval .
 68a,15 vns gebe daz gebe daz gemvte .
 68a,16 daz mit rehter demvte .
 68a,17 ze dem selbin degedinge .
 68a,18 vnser igelicher bringe .
 68a,19 mit rehter anedehte .
 68a,20 daz edil gevвете .
 68a,21 daz vvir i- den dovfin namin .
 68a,22 nv sprechin alle . aMeN .